


ეროვნული
ბიბლიოთეკა

იოანეს სახარება

გაიხ-იპიიიი №11 (5) ჴაიი 30 თიიიი



✕ ✕ ✕

რადიონის გამგეობაში

2001 წლის 7 ივნისს გაიმართა ცაგერის რაიონის გამგეობის მორიგი სხდომა, რომელსაც ხელმძღვანელობდა რაიონის გამგებელი ბატონი ონერ ნემსწვერიძე.

სხდომამ განიხილა საკითხი რაი-
ონში მოხმარებული ელექტროენერ-
გიის ღირებულების ამოღების შესახებ
(ვაგუ ახვლედიანი)

აღინიშნა, რომ კატასტროფული მდგომარეობაა ელექტროენერგის გადასახადის ამოღების საქმეში. მკაცრად იქნა გაფრთხილებული შესაბამისი სამსახურის ხელმძღვანელები, რომელთაც დაევალოთ ამ საქმეში წესრიგის დამყარება.

სხლომამ ღაადგინა: შედგეს შე-
საბამისი გრაფიკი და ამის თაობაზე
მოსაზრეობას ეცნობოს ტელევიზი-
ით.

საკითხი: „2000 წლის შემოდგომაზე საქართველოს შეიარაღებულ ძალებში მოქალაქეთა გაწვევის შედეგებისა და 2001 წლის საგაზაფხულო გაწვევის ორგანიზებულად მოწყობის შესახებ“ შემოიტანა რაიონის კომისარმა კობა კოპალიანმა. სხდომამ დასახა ღონისძიებანი შეიარაღებულ ძალებში ახალგაზრდობის გაწვევის საქმეში არსებული ნაკლოვანებების აღმოსაფხვრელად.

სხდომამ განიხილა აგრეთვე სა-
კითხები.

1. „შპს №16 საგზაო-საექსპლოატაციო სამმართველოსათვის საქმიანი ეზოს მიწის ფართობის შემცირების შესახებ“.

2. „საქართველოს სოფლის მეურნეობისა და სურსათის სამინისტროს 2001 წლის 26 აპრილის №2-65 ბრძანების შესაბამისად, რაიონში არსებული ვენახების ინვენტარიზაციის ჩატარების შესახებ“. (შემოიტანა შერაგ. ყვრილიანმა).

რაიონის ვეტერინარმა ღურმიშხან
დავითულიანმა სხდომას წარუდგინა
ინფორმაცია, რომ ლეჩხუმის ზოგი-
ერთ სოფელში იფეთქა ცხოველთა
ინფექციურმა დაავადებამ ყაჭუმ (ჭიჭ-
ყინა) და საჭიროა გადაუდებელი ვაქ-
ცინაცია.

აღვის 9 წლიან სკოლას სხდომის
გადაწყვეტილებით მიენიჭა გამოჩე-
ნილი სამხედრო და საზოგადო მოღ-
ვაწის გიორგი გაბრიელის ძე ყურამ-
ვილის სახელი.

მადლობა ღმერთს, ამ შეჭირვების ქამ-
საც არიან ადამიანები, რომელთათვის არ
არის სულ ერთი ჩვენ ახალგაზრდობის
განსწავლობა და ინტელექტი, ზეალინ-
დელი დღე და მერმისი, ოცდამეერთე
საუკუნის საქართველოს ბედი...

აგერ უკვე 7 წელიწადია საქართველოს პარლამენტის წევრის ბატონ კარლო მუშაუდიანის ინიციატივითა და ძალისხმევით ცაგერში მოქმედებს საქართველოს ტექნიკური უნივერსიტეტის ფუფასო მოსამზადებელი განყოფილება, ასობით ღერხუმელმა ახალგაზრდამ მიიღო ან იღებს უმაღლეს ტექნიკურ განათლებას...

...და ამ დღეებში კიდევ ერთი ფასდა-
უღებელი, საშვილიშვილო საქმე გაკეთ-
და ლეჩხუმში, — ცაგერში გაიხსნა თბილი-
სის სულხან-საბა ორბელიანის სახელობის
პედაგოგიური უნივერსიტეტის ფილიალი...

...ფელაფერი კი ასე დაიწყო: ივ. ჯავახიშვილის სახელობის თბილისის სახელმწიფო უნივერსიტეტის პრორექტორს, პროფესორ ავთანდილ სილაგაძეს გაუზნდა იდეა ლეჩხუმში, კონკრეტულად ცაგერში დაეფუძნებინა თბილისის სახელმწიფო პედაგოგიური უნივერსიტეტის ფილიალი. იდეის განსახორციელებლად დიდი ბრძოლა და ძალისხმევა დასჭირდა. საჭირო იყო განათლების სამინისტროს, თავად პედაგოგიური უნივერსიტეტის რექტორატის, სხვა უწყებების, რესპუბლიკის პრეზიდენტის მხარდაჭერა და თანხმობა.

...მონდომება, ინიციატივა, დაქინებითი ძიება საქმით დაგვირგვინდა. საქართველოს განათლების მინისტრის 2001 წლის 17 იანვრის ბრძანების საფუძველზე ცაგერში ფუნქციონირება დაიწყო თბილისის სულხან-საბა ორბელიანის სახელმწიფო პედაგოგიური უნივერსიტეტის ფილიალმა (დასაწყისისათვის ფასიანი განყოფილება).

დამტკიცდა ფილიალის სპეციალობათა
ნუსხა (დაუსწრებელი განყოფილება);
ქართული ენა და ლიტერატურა;

ისტორია სამართალმცოდნეობის სპე-
ციალიზაციით;
დწყუბითი განათლების პედაგოგიკა და
მეთოდოიკა;

განათლების ეკონომიკა და მენეჯმენტი;
სკოლამდელი აღზრდის პედაგოგიკა და
ფსიქოლოგია.

ფილიალს მიენიჭა იურიდიული პირის სტატუსი. დამტკიცდა სამეთვალყურეო საბჭო შემადგენლობით: პროფესორი ავთანდილ სილაგაძე—ივ. ჯავახიშვილის სახელობის თბილისის სახელწიფო უნივერსიტეტის პრორექტორი—თავმჯდომარე; ონერ ნემსწვერიძე—ცაგერის რაიონის გამგებელი; ზურაბ ზეცუარიანი—საკრებულოს თავმჯდომარე, გულივერ ბრეგვაძე ცაგერის რაიონის განათლების განყოფილების გამგე; დოცენტი ანზორ ბენიძე—საქართველოს განათლების სამინისტროს დეპარტამენტის თავმჯდომარე—მოადგილე; დავით ლიპარტელიანი—ლენტეხის რაიონის გამგებელი; ბადარი ქარდავა—ლენტეხის რაიონის განათლების განყოფილების გამგე.

ფილიალის დირექტორად დაინიშნა ისტორიული მეცნიერებათა დოქტორი, პროფესორი ვალერიან ბენიძე და შეყვანილ იქნა უნივერსიტეტის სამეცნიერო საბჭოს შემადგენლობაში.

სტუდენტთა სწავლების საფასური 2001-2002 სსსწავლო წლისათვის განისაზღვრა 120 აშშ დოლარით ეროვნულ ვალუტაზე გადაყვანით (თითოეული სტუდენტი-სათვის). საჭიროების შემთხვევაში მოსამზადებელი კურსების მსმენელთათვის 30 აშშ დოლარი შესაბამისად ეროვნულ ვალუტაზე განაგარიშებით. ყოველი შემდგომი სასწავლო წლისათვის სწავლების საფასური განისაზღვრება რეპტორატთან შეთანხმებით.

ბრძანების, რომელსაც ხელს აწერს
თბილისის სულხან-საბა ორბელიანი სახელ-
მწიფო პედაგოგიური უნივერსიტეტის რექ-
ტორი ბატონი ვახტანგ სართანია, საფუძვე-
ლი გახდა საქართველოს პრეზიდენტის

სახელმწიფო რწმუნებულის რაჭა-
ლეჩხუმისა და ქვემო სვანეთის მხარეში
ბატონი ირაკლი ფრუიძის 2000 წლის
ნოემბრის წერილი საქართველოს პრეზი-
დენტის რეზოლუციით, საქართველოს გა-
ნათლების მინისტრის ბატონ ალექსან-
დრე კარტოზიას ბრძანება და უნივერ-
სიტეტის საბჭოს გადაწყვეტილება.

შევხვდით და ვესაუბრეთ თბილისის
სულხან-საბა ორბელიანის სახელობის
სახელმწიფო პედაგოგიური უნივერსიტე-
ტის ცაგერის ფილიალის დირექტორს
პროფესორ ვალერიან ბენიძეს მოვუხმი-
ნეთ:

გსარგებლობ შემთხვევით და მინდა გა-
ზეთის საშუალებით მადლობ ეუთხრა ამ
საქმის ჩამფიქრებელსა და ფრთების
შემსხმელს პროფესორ ავთანდილ სილა-
გაძეს, რაიონის ხელმძღვანელებს ბატონ
ონერ ნემსწვერიძის თავკაცობით მხარ-
დაჭერისა და პრაქტიკული დახმარებისათ-
ვის, პრეზიდენტის რწმუნებულს ბატონ
ირაკლი ფრუიძეს დაუზარელი დახმა-
რებისათვის, პედაგოგიური უნივერსიტე-
ტის რექტორს პროფესორ ვახტანგ სარ-
თანიას, განათლების მინისტრს ბატონ
ალექსანდრე კარტოზიას. ამ საშვილიშ-
ვილო საქმის წარმატებით დაგვირგვი-
ნებისათვის. მინდა მივულოცო ლეჩხუმე-
ლებს, და არა მარტო ლეჩხუმელებს
შუაღლესი სკოლის დაფუძნება ცაგერში
პედაგოგიური უნივერსიტეტის ფილიალის
სახით.

პირველ ეტაპზე სწავლება იქნება ფასიანი და იგი შეადგენს 120 ამერიკულ დოლარს ჩვენს ეროვნულ ვალუტაზე გადაყვანით, რაც ჩემის აზრით, გაცილებით შეღავათიანი საფასურია, ვიდრე ნებისმიერ უმაღლეს სასწავლებელში. გნახოთ, სამომავლოდ შეიძლება ეს საფასური კიდევ უფრო შევამციროთ.

(გაბრძელება მე-2 გვ-ზე)

ცაგერში დაფიქრდა იბიგის სხეულში პედაგოგიური ყნივერსიტეტის ფილიალი

(დასასრული)

ჩვენი დიდი სურვილია, პარალელურად წავუბიძგოთ ნიჭიერ ახალგაზრდებს დისერტაციების კენ, რათა მომავლისათვის გვაყვდეს ადგილობრივი კადრები.

ბუნებრივია, დაგანტერესებთ პროფესორის მოზიდვის საკითხი. რაკი დაუსწრებელი განყოფილება, ვიძლევი გარანტიას, რომ ლექციებს წაიკითხავენ ცნობილი მეცნიერები, დოქტორები, პროფესორები. ყველაფერს გავაკეთებ რათა სწავლების ხარისხი არაფრით ჩამოუვარდებოდეს სხვა უმაღლესი სასწავლებლების დონეს.

სპეციალობები იცით, რაც შეეხება მატერიალურ-ტექნიკურ ბაზას, განვთავსდებით ცაგერის პროფტექნიკურ კოლეჯში, ისე რომ ხელი არ შეეშალოს იქ მიმდინარე სასწავლო პროცესს. შენობის სარემონტო თანხები უკვე გამოიყო.

მისაღები გამოცდები ჩატარდება მთელი სიმაკცრით, რა თქმა უნდა, კარგი გაგებით. თითოეულ სპეციალობაზე მიიღება 20-30, სულ კი 120-125 აბიტურიენტი.

განზრახული გვაქვს 2 საგანში მოეწიოს გამოცდა. ყველა სპე-

ციალობაზე ჩატარდება გამოცდა ქართულ ენასა და ლიტერატურაში (წერა), ისტორია-სამართალმცოდნეობის სპეციალიზაციით და სკოლამდელი აღზრდის სპეციალობებზე მეორე საგანი იქნება საქართველოს ისტორია, განათლების ეკონომიკისა და მენეჯმენტის, დაწყებითი განათლების პედაგოგიკისა და მეთოდის სპეციალობებზე—მათემატიკა. ვფიქრობთ, მოქმედი და აგრეთვე უდიდესი პედაგოგები ჩვენი ცხოვრება გასაუმჯობესებს წესით. საგნობრივ კომისიებში პროფესორებთან ერთად ჩაერთვებიან ადგილობრივი პედაგოგ-მასწავლებლები.

დაინიშნა ფილიალის დირექტორის მოადგილეები (ბატონი ჯიბილო მიქაძე, ბატონი დავით კოპალიანი).

ის დღე ამალგებული იყო ლეჩხუმელთათვის და არა მარტო მათთვის. ბევრი სტუმარი ჩამოვიდა მ ივნისს ცაგერში, რათა საზეიმო ვითარებაში მიელოცათ მასპინძელთათვის თბილისის სულხან-საბა ორბელიანის სახელობის პედაგოგიური უნივერსიტეტის ფილიალის დაფუძნება. კულტურის სახლში

დიდძალი ხალხი მოვიდა.

ფილიალის გახსნისადმი მიძღვნილი საზეიმო შეხვედრა გახსნა ცაგერის რაიონის გამგებელმა ბატონმა ონერ ნემსვერძემ.

ამ დიდი საშვილიშვილო საქმეს, — აღნიშნა გამგებელმა, — გასულ წელს ჩაეყარა საფუძველი. იდეის ავტორის ბატონ ავთანდილ სილაგაძისა და მხარის აღმინისტრაციის ხელმძღვანელის ბატონ ირანკლი ფრუიძის ძალისხმევით ეს საკითხი ქვეყნის პრეზიდენტის დონეზე გადაწყდა, განათლების მინისტრის ბატონ ალექსანდრე კარტოზიასა და სულხან-საბა ორბელიანის სახელობის თბილისის პედაგოგიური უნივერსიტეტის რექტორის ბატონ ვახტანგ სარტიანის მხარდაჭერის შედეგად, რომ დღეს ჩვენ ამ დარბაზში ვხვდებით აღნიშნული ფილიალის გახსნას. მადლობა მათ.

ლეჩხუმელები და სტუმრები! მინდა გულწრფელად მოგილოცოთ ესოდენ მნიშვნელოვანი დღე. ჩვენს საზოგადოებას კარგად აქვს რა გაცნობიერებული ეს დიდი სიკეთე, გაბრძნობილი, ყველაფერს გავაკეთებთ, რათა ფილიალი ერთ-ერთი საუკეთესო იყოს და დიდი მისია პირნათლად შეასრულოს.

საქართველოს განათლების მინისტრი ბატონი ალექსანდრე კარტოზია

— ბატონო ალექსანდრე! როგორი განწყობა შეგიქმნათ ლეჩხუმში სტუმრობაში?

— აღფრთოვანებული ვართ ამ ულამაზესი, უმშვენიერესი ბუნებით—ხალხი, რომელიც აქ ცხოვრობს, არის განსახიერება სილამაზის, ნიჭიერების, სულიერების მინდა, ყველას დიდი მადლობა მოგიხადოთ, ვინც მონაწილეობა მიიღო ამ დღესასწაულში, ვინაც მოაწყო ეს მშვენიერი ზეიმი და უნდა გითხრათ, რომ ასეთი ნიჭიერი ბავშვების ხილვა შემხვედრით არ ყოფილა, მაგრამ მიუხედავად ამისა, მაინც ალტაცებას ვერ ვფარავ. აი, ახლა ბატონ მეტი ყურადღებას ვუბნებოდი, რომ ეს არის ნამდვილი სამსახური და თავდადება ერთიანად, რასაც თვითონ და მისი ქალიშვილი, ქალბატონი რუსუდანი აკეთებენ.

— ჩვენთვის თქვენი ჩამოზრახვის მიზეზი ნაწილობრივ ცნობილია, გთხოვთ ლეჩხუმელი მკითხველისათვის დააკონკრეტოთ ვიზიტის არსი.

— უნდა გითხრათ, რომ მიზეზი ჩვენი ჩამოვლის გახლავთ სულხან-საბა ორბელიანის სახელობის სახელმწიფო პედაგოგიური უნივერსიტეტის ფილიალის გახსნა ცაგერში. მიუხედავად დასავლეთ საქართველოს ბევრი ქალაქის სურვილისა და მონაწილეობისა, არჩევანი თქვენს რაიონზე შეჩერდა. ცხადია, ჰქონდა ამ აზრს საფუძველი. იმიტომ, რომ ვიცოდით რა პოტენციალი ლეჩხუმში, ლაღო ასათიანისა და მირზა გელოვანის მხარეში, მინდა აღნიშნო, თქვენი სასახლო მამულიშვილი მარშალი არჩილ გელოვანი, კაცი, რომლის შესახებ სრულიად ყველაფერი ვერ კიდე არ არის ნათქვამი. აგრეთვე, მსოფლიო მასშტაბის ადამიანი, უდიდესი მოაზროვნე, წარმოშობით ლეჩხუმელი, მერაბ მამარდაშვილი. ამ ყველაფრიდან გამომდინარე უნივერსიტეტის ფილიალის გახსნა

შემხვედრით არ ყოფილა. თავისთავად ცხადია, რომ არსებობდა სუბიექტური ფაქტორიც, რომელმაც დიდი როლი ითამაშა. ეს იყო თანამედროველი დაქინება და თავდადება სახელმწიფო უნივერსიტეტის პრორექტორის ბატონ ავთანდილ სილაგაძისა, რომელიც ჩემი დიდი ხნის მეგობარია ვერ კიდე უნივერსიტეტიდან, გერმანიაშიც გარკვეული ხანი ერთად დავყავით. ეს ის კაცი გახლავთ, რომელიც ნამდვილად ყველაფერს აკეთებდა იმისთვის, რომ იდეა განხორციელებულიყო. მინდა მივულოცო თითოეულ თქვენგანს ეს დღე. ვფიქრობ, რომ მართლაც ძალიან კარგ საქმეს ჩაეყარა საფუძველი, რომელსაც აქვს დიდი მომავალი, დიდი პერსპექტივა და მწამს, რომ ესეც ერთ-ერთი ხელის შეწყობი ფაქტორი იქნება ამ მხარის აწვავებისათვის, რაც მე მთელი სულითა და გულით მსურს.

— მასწავლებლობა ლეჩხუმში, მართლაც, გმირობის ტოლფასია, თუ გავითვალისწინებთ თქვენს სამომავლო გეგმებში მთიანი რეგიონების პედაგოგთა მდგომარეობას და მათთვის დაუშვებელ რაიმე შედეგს?

— ყველაფერი, რაც გათვალისწინებულია განათლების სისტემის გარდაქმნისა და განმტკიცების პროექტით, თანაბარზომიერად შეეხება ლეჩხუმსაც. რაც შეეხება დამატებით შეღავათებს, მთიანი რეგიონების კანონში იქნება შეღავათები, რა თქმა უნდა, ამ კუთხითაც. გარდა ამისა, თუ საუბარია სამინისტროსა და მინისტრის პირად კეთილგანწყობაზე, აქ შეგიძლიათ მშვიდად იყოთ, იმიტომ, რომ ეს მხარე საესეებით იმსახურებს ყოველნაირ სიმართლას.

— პედაგოგთა ხელფასების 1999-2000 წლების დავალიანების დაფარვა თუ გაქვთ პერსპექტივაში?

— გასული წლების დავალიანების დაფარვასთან დაკავშირებით სრული პასუხისმგებლობით მინდა გითხრათ,

რომ თინანსთა მინისტრისაგან უფლებამოსილი ვარ და ამა წლის ივლისის თვიდან დაიწყება ძველი დავალიანებების ეტაპობრივი დაფარვა.

— საბავშვო ბაგა-ბაღებზე რას გვეტყვით, უნდა არსებობდეს თუ არა ლეჩხუმელი ბავშვებისათვის ბაღი?

— ბაღებს რაც შეეხება, იყო საუბარი იმაზე, რომ გადაგვეცა ადგილობრივი ხელისუფლებისათვის. ასე ვთქვათ, ექსპლუატორი უფლებამოსილების სახით. მაგრამ, ამჟამად, თავი შევიკავებთ ამაზე ფიქრით და ვთვლით, რომ ამ ეტაპზე სახელმწიფომ უნდა უზრუნველყოს და გააკეთოს ყველაფერი იმისათვის, რომ საბავშვო ბაღები არა თუ გადარჩნენ, არამედ სრულფასოვნად იარსებონ. ასე რომ ლეჩხუმში, ვფიქრობ, პრობლემა საბავშვო ბაღებთან დაკავშირებით აღარ იქნება.

— დღევანდელ პირობებში მომზადებულია კერძო სკოლები თუ გიმანაზიები. თქვენ როგორ ფიქრობთ, ასეთი მდგომარეობით ხომ არ იზრდება ზოგადსაგანმანათლებლო სკოლების როლი და გნებავთ, ავტორიტეტი?

— მე, საერთოდ, არა ვარ წინააღმდეგი კერძო სექტორის განვითარებისა. თუკი არსებობს თავისუფალი და ნამდვილი კონკურენციის განსაღი გარემო. იმიტომ არ ვებრძვი, ასე ვთქვათ, აღმინისტრირებით არც კერძო სკოლა-გიმნაზიებს და არც უმაღლეს სასწავლებლებს, ოღონდ ხელოვნურად რომელიმე სკოლისათვის, იქნებ ეს კერძო თუ არასახელმწიფო, რაიმე სასათბურე პირობების შექმნის წინააღმდეგი ყოველთვის ვიქნები.

— გმადლობთ.

— გისურვებთ წარმატებებს.

პაპ ჰვირილიანი.

თბილისის სახელმწიფო უნივერსიტეტის პრორექტორი ბატონი ავთანდილ სილაგაძე

მიუხედავად განთქმული ლეჩხუმური სტუმართმოყვარეობისა, ამ ბოლო წლებში სტუმართა მიღებით განვიხილავთ არ ვართ. ამის მიზეზი კი, ალბათ, ქვეყანაში შექმნილი მძიმე პირობებია. დღეს ჩვენი სტუმრები საინტერესო მისიით ჩამოზრახნენ. განათლების მინისტრი ბატონი ალექსანდრე კარტოზია პირველად ჩვენს მხარეში. მასპინძლობას კი სტუმრებს ლეჩხუმელი, თბილისის ო. ჯავახიშვილის სახელობის სახელმწიფო უნივერსიტეტის პრორექტორი, პროფესორი ავთანდილ სილაგაძე უწევს. მასპინძლის სურვილია, სტუმრებს გააცნოს ლეჩხუმის თავისი თვალწარმატებელი ბუნებით, სოფელი ბარდნა-ლა თუ ციხე მურთი, ლეჩხუმელი კაცის ინტელიგენტობა და სულიერებით. სწორედ ამიტომ იგი დროის სიმციერის განიცდის. უნდა არაფერი გამოიჩინოს... ჩვენ განზრახული გვაქვს ვრცელი საუბარი ბატონ ავთანდილთან, მაგრამ ლეჩხუმური მასპინძლობისათვის მოითხოვდა. ამიტომ ჩვენს რესპონდენტს რამდენიმე კითხვით მივმართეთ:

— თბილისის სულხან-საბა ორბელიანის სახელობის სახელმწიფო პედაგოგიური უნივერსიტეტის ფილიალის გახსნა დიდი მოვლენაა ლეჩხუმის სინამდვილეში. ამ დიდი საქმის ინიციატორი კი თქვენ ბრძანებით, ბატონო ავთანდილ! იქნება აღნიშნული უნივერსიტეტის ტრადიციების გამგრძელებელი ცაგერის ფილიალი?

— თბილისის სულხან-საბა ორბელიანის სახელობის სახელმწიფო უნივერსიტეტი დიდი ტრადიციების მატარებელია. ახალგაზნად ფილიალმა ეს ტრადიციები აუცილებლად უნდა გააგრძელოს. ეს მოხდება იმ შემთხვევაში, თუ ყველა ერთად დავდგებით და ვიმუშავებთ იმაზე, რომ ადგილობრივი კადრებით დაკომპლექტდეს უნივერსიტეტის ცაგერის ფილიალი.

— ამ ეტაპზე ეს შეუძლებელია?

— რა თქმა უნდა, გარკვეული პე-

შეხვედრა საოცრად გააღამაზა და დატვირთა უზადოდ შესრულებული ლექსით. სიმღერამ, კომპოზიციამ, ციკვამ. სიმბოლური იყო. რამე მარტო დად შეხვედრაზე მოსწავლე-ახალგაზრდობამ, ფილიალის ხვალინდელმა სტუდენტებმა წარმოადგინეს თავიანთი ხელოვნება და ამით გამოხატეს უდიდესი მადლიერება ყველასადმი, ვინაც თავისი წილი ჩადო ამ საშვილიშვილო საქმეში.

დარბაზში მოულოდნელი დადებითი მუხტი შემოიტანა ამბროლაურელი სტუმრის დათო სხირტლაძის მიერ ზურაბ კუხიანიძის ლექსის წაკითხვამ. მსურველ ოვაკით გააცილეს შეხვედრის მონაწილეებმა იგი სცენიდან.

მამ ასე, თავვერის ძირძველ მიწაზე კიდევ ერთი ინტელექტუალური კერა დაფუძნდა.

ერთხელ კიდევ გულწრფელი მადლობა ამ კეთილშობილური საქმის შემოქმედ!

ფილიალი უკვე აცხადებს აბიგურიენტთა მიღებას, საბუთების შეგანა შეგიძლიათ ყოველდღე. მისაღები გამოცდები დაიწყება 14 აგვისტოს.

აქვე ვებჟღავნებ ექსკლუზიურ ინტერვიუებს სტუმრებთან. ზეპინანა ჩელოპა

რიოდის განმავლობაში მოწვეული კადრებით განხორციელდება სწავლება, ლექციებს წაიკითხავენ პროფესორები, დოცენტები, ხარისხიანი სპეციალისტები. მაგრამ ამასთან აუცილებელია, უახლოეს მომავალში ადგილობრივი კვალიფიკაციური სპეციალისტებით დაკომპლექტდეს ფილიალი. ამ მხრივ, დისერტაციის დაცვის მსურველებს დიდი შანსი ეძლევათ. ამ საკითხზე მუშაობა საკითრ. 7-8 კვალიფიკაციური სპეციალისტი საკმარისი იქნება. ისევ ვიმეორებ, მხოლოდ ერთად დგომით მოხერხდება ამ საქმის გაკეთება.

— უნივერსიტეტის ფილიალის გახსნა უამრავ პრობლემებთან იქნება დაკავშირებული. ამ დიდი წამოწყების განხორციელებაში ვინ გიღვთ გვერდით?

— როგორც ბატონმა ალექსანდრე კარტოზიამ აღნიშნა, რამდენიმე რაიონში იყო მოთხოვნა ამ ფილიალის გახსნისა. მაგრამ არჩევანი ცაგერზე შეჩერდა. ამ საქმეში კი გვერდით განათლების მინისტრი ბატონი ალექსანდრე კარტოზია, სულხან-საბა ორბელიანის სახელობის სახელმწიფო უნივერსიტეტის რექტორი, ბატონი ვახტანგ სარტიანა დაგვიდგა. რაც მოთავსა, ამ გადაწყვეტილებას მხარი დაუჭირა საქართველოს პრეზიდენტი.

— ბატონო ავთანდილ! როგორც ცნობილია, დასაწყისისთვის სწავლება ფასიანია; სასწავლებლის პროგრამა ითვალისწინებს შეღავათებს?

— გერგობით, ამ ეტაპზე შეღავათები არ იქნება. მაგრამ ვფიქრობთ, ვინც კარგად ისწავლის, გარკვეულ შეღავათებს გავუწევთ.

— და ბოლოს...

— იცით, რა? ბევრი განსახორციელებელი იდეა მაქვს...

— გმადლობთ!

— წარმატებებს გისურვებთ თქვენ და გაზეთ „ახალ ლეჩხუმს“. მე მას პერიოდულად ვეცნობი.

ესაუბრა პაპ ბენდელიანი

„გოხაროფენ ძეგვშემოსილო, თიჲთ მონამეო გოთიგო!“

(ხვამლობა)

ბოლო ორი კვირა ისეთი დახუწული იყო სხვადასხვა საგნებით, დღესასწაულებით, ისეთი ამოუწურავი მათი განმარტება, ძნელია, რომელიმე გამოკვეთო. ერთი კვირის განმავლობაში „ათორმეტ დღესასწაულთა“ შორის—ამაღლება უფლისა ჩვენი იესო ქრისტესი და სულთმოფენობა ვიწმეით. ამასთან ჩვენი ეპარქიის მმართველმა და საკათედრო ტაძრის წინამძღვარმა ღირს მამა დავით გარაგელს და წმიდა ნინოს შეავდრა ჩვენი ეპარქია. ძვირფასო მკითხველო! ჩვენი გაზეთის საშუალებით თქვენ ზოგადად ეცნობით ამ დღესასწაულთა არ-

სა და მნიშვნელობას. ამჟამად კი ჩვენი რელიგიური რუბრიკა ეძღვნება ხვამლობას (რომლის შესახებ ცნობები მწირია), რომელიც წელს 2 ივნისს იხდება სრულიად ლუჩხუმმა და არა მარტო ლუჩხუმმა... პირველად კი მინდა აღვნიშნო, რომ ხვამლობა მოძრავი დღესასწაულია, იგი აღინიშნება დიდი საეკლესიო დღესასწაულის—სულთმოფენობის წინა დღეს—სულის შაბათს. ამის შესახებ კი შემდეგი თქმულებაა შემორჩენილი. ხვამლის სალოცავზე ბევრი ძვირფასი, სასწაულო მოქმედი ხატი ბრძანდებოდა. მტერმა ამ სიწმინდეების ხელში ჩაგდება მოინდომა, რასაც მარ-

თლადიღებელთა მხედრობა წინ აღუდგა და 1200 ჭარბი შეეწირა სიწმინდეების დაცვისათვის ბრძოლას. სწორედ ამ დღეს ხდება ამ მიკვალბულთა მოხსენიება. აქედან გამომდინარე, ხვამლობა ამ დღეს აღინიშნება.

მთელი კვირის განმავლობაში თითოეული ლუჩხუმელის ოჯახში საღვთისწაულო ფუსფუსთან ერთად აფორიანება შემოქმედოდა. იყო გადაძახილები: „ღმერთს ვევედროთ, იქნება წვიმამ გადაილოს და ხვამლამდე მივაღწიოთ“. ტაროსის შეცვლის იმედს ლუჩხუმელი კაცი ყოველთვის ხვამლზე ამყარებდა, ღვთისწყლობით ხვამლის მთის წვერზე, როგორც დი-

დი ილია ამბობს, „ხორცთუქმენ-ლი მზის სხივი იგი უფლის ბრძანებით ზედ შეირჩენდა“.

ზევით აღვნიშნე, ამ დღესასწაულს არა მარტო ლენინუმელები ზეიმობენ მეთქი. მართლაც,

იმ დღეს სტუმართა ზუმი იყო ცაგერში. ყველას კი რაჭველები ჭარბობდნენ, რომელთაც მეთ-

(გაბრძანება მმ-6 მმ-მმ)



ჩვენი მკითხველისათვის აღმათ წინილია, რომ საქართველოს პრეზიდენტის რწმუნებულის პირველი მოადგილე რაჭა-ლეჩხუმისა და ქვემო სვანეთი მხარეში. საქართველოს მოქალაქეთა კავშირის სამხარეთ ორგანიზაციის თავმჯდომარე ბატონი დავით დარაზველიძე იყოფებოდა დასავლეთ ევროპის რამდენიმე ქვეყანაში. ჩვენ დავინტერესდით ვიზიტის ხასიათითა და შედეგებით, ამიტომ ვთხოვეთ ბატონ დავითს ჩვენთვის და გაზეთის მკითხველისათვის გაეზიარებინა თავისი შთაბეჭდილებები.

—ბატონო დავით, რასთან დაკავშირებით შედგა თქვენი ვიზიტი დასავლეთ ევროპაში, რომელ ქვეყნებში იყოფით და რა მიზანს ემსახურებოდა თქვენი მოგზაურობა?

—უპირველესად მინდა მოგვსალოთ გაზეთი „ახალი ლენინი“, ყველა ლენინუმეს და თქვენი გაზეთის მკითხველებს. ალბათ ბევრისათვის არ იქნებოდა ცნობილი, რომ ბოლო ერთი წლის მანძილზე მე გახლდით ევროპის საბჭოს თბილისის პოლიტიკური სწავლების სკოლის მსმენელი.

ევროპის საბჭოს ეგიდით, საბჭოს გენერალური მდივნის ვალტერ შეიმერის და სხვა ხელმძღვანელების დახმარებით 1999 წლის ზაფხულში დაფუძნდა არასამთავრობო ორგანიზაცია „თბილისის პოლიტიკური სწავლების სკოლა“—დემოკრატიული ინსტიტუტები და სამოქალაქო საზოგადოება. სკოლას ეწოდა დიდი ქართველი მამულიშვილის სახელი. სკოლის დაფუძნების ორგანიზატორი, სულისჩამდგმელი და დირექტორი გახლავთ ახალგაზრდა ქართველი მეცნიერი, პოლიტიკოსი, საქართველოს პარლამენტის წევრი არმან ახვლედიანი.

თბილისის პოლიტიკური სწავლების სკოლის მთავარი მიზანია საქართველოში მიმდინარე დემოკრატიული პროცესებისათვის ხელშეწყობა და მასში ახალგაზრდების აქტიური ჩაბმა. მათ შორის ახალი თაობის პოლიტიკოსების, ჟურნალისტების, ბიზნესმენების, საკანონმდებლო და აღმასრულებელი ხელისუფლების წარმომადგენლების, მოსამართლეების, არასამთავრობო ორგანიზაციების წევრების, რომლებიც ახლებურად გაიზიარებენ დემოკრატიულ ღირებულებებსა და ჩვენი სახელმწიფოებრიობის მშენებლობის აქტიურ საკითხებს. სკოლის მთავარი პრინციპია—დაძლეულ იქნას თვითგამაფილების სინდრომი, გამოუმუშავდეს მუდმივი დემოკრატიული აუდიტის უნარი და სამოქალაქო ინიციატივების გაზრდით შე-

უქცევადი გახდეს ღია საზოგადოების მშენებლობის, სამოქალაქო ნდობის ამაღლების, დემოკრატიული განვითარების პროცესი საქართველოში.

სკოლამ პირველი სემინარები 2000 წლის ოქტომბერში წინანდალში გამართა, ხოლო მიმდინარე წლის თებერვალში წყალტუბოში შეკრიბა თავისი მსმენელები, ქართველი და უცხოელი ექსპერტები. მესამე და მეოთხე შეკრებები დაგეგმილი იყო ევროპის ქალაქებში რომსა და სტრასბურგში. დაგეგმილი იყო და შედგა კიდევაც. 10 მაისს ქართველ პოლიტიკოსთა ჯგუფი 41 კაცის შემადგენლობით ჩავფრინდით იტალიის დედაქალაქში, საიდანაც დაიწყო სკოლის დასკვნითი კონფერენციები და სემინარები.

—ბატონო დავით, თუ შეიძლება ორიოდ სიტყვით გვითხრა, როგორ მოხდა თქვენი ჩარიცხვა სკოლის მსმენელად?

—მე რეკომენდაცია გამოიწია ჩემმა მეგობარმა და ყოფილმა კოლეგამ, ყველასათვის კარგად ცნობილმა პიროვნებამ ზაზა დვალამ, რომელიც აგრეთვე არის ამ სკოლის მსმენელი, შემდეგ სკოლის დირექტორთან არმან ახვლედიანთან გასაუბრების შედეგად ჩავირიცხე. სამწუხაროდ, ზაზა მამის, ბატონი ჟორა დვალის მოულოდნელი გარდაცვალების გამო ვერ წამოვიდა დასკვნითი სემინარებზე.

—გინ იყო ღონისძიების ორგანიზატორი? როგორ წარმოიქმნა შეხვედრები?

—რომში შედგა ორდღიანი კონფერენცია 11-12 მაისს თემაზე „აღამიანის უფლებები და რეგიონალური თანამშრომლობა კავკასიაში—საქართველოს რელი“. კონფერენციის ორგანიზატორები იყვნენ რომის საერთაშორისო საქმეთა ინსტიტუტი, ბრიუსელის ევროპული პოლიტიკის შემსწავლელი ცენტრი და საქართველოს საელჩო იტალიაში. დაფინანსება განაზრცილდა ევროპის კომისიამ, ნატოს ინფორმაციისა და პრესის ოფისმა და ფონდმა „ღია საზოგადოება—საქართველო“.

მუელა გზა ზამში მიდის

იტალიაში საქართველოს საელჩო-ში ოფიციალური მიღების შემდეგ, რომის საერთაშორისო საქმეთა ინსტიტუტში კონფერენციაზე სიტყვებით გამოვიდნენ სხვადასხვა ქვეყნის წარმომადგენლები. ჩვენი დელეგაციის მხრიდან უაღრესად საინტერესო გამოვლენები ჰქონდათ საქართველოს საგარეო საქმეთა მინისტრის პირველ მოადგილეს გიორგი ბურდულს, საგანგებო საქმეთა მინისტრს მალხაზ კაკაბაძეს, საქართველოს ეროვნული უშიშროების საბჭოს მდივნის მოადგილეს ნიკა ვაშაქიძეს და ქალბატონ რუსუდან ბერიძეს. ყოველი გამოსვლის შემდეგ იმართებოდა დისკუსია და უნდა გითხრათ, რომ ცალკეულ საკითხებზე უმწვავესი კამათი და აზრობის სხვადასხვაობა დაფიქსირდა. განსაკუთრებით კავკასიაში კონფლიქტების მოგვარებისა და სტაბილურობის ფაქტის ირგვლივ, აგრეთვე საზრეთ კავკასიაში ეთნიკური კონფლიქტების მოგვარების კონსტიტუციური ასპექტების თემებთან დაკავშირებით. უფრო დეტალური საუბარი ამ თემებზე ძალიან შორს წაგვიყვანდა და ვფიქრობ საგაზეთო ინტერვიუში შეუძლებელია ყოველივეს გადმოცემა, ამიტომ აქ შევჩერდები.

—თქვენ დასასაუბლო ჩვენი ხელისუფლების მნიშვნელოვანი ფიგურები. კიდევ ვინ არიან სკოლის მსმენელები?

—როგორც დასაწყისში მოგახსენეთ სკოლის მსმენელთა შემადგენლობა მრავალფეროვანია. მე გითხარი ზაზა დვალის შესახებ. აქ არიან აგრეთვე ცნობილი პოლიტიკოსები: დავით ბერძენიშვილი, ირინა სარიშვილი-ჭანტურია, ჩვენი თანაკურსელი პარლამენტარი ფიქრია ჩიხრაძე. პარლამენტის აგრარული კომიტეტის თავჯდომარე ბეგუა გონაშვილი, ფრაქცია სოციალისტის თავმჯდომარე ირაკლის მინდელი, თბილისის საკრებულოს ფრაქცია ედპს თავჯდომარე ჯონდი ბალატირა. მასმედიის წარმომადგენლები: ლევან ყუბანეიშვილი—საინფორმაციო პროგრამა „მომბეს“ დირექტორი, გიორგი სანაია—ტელეკომპანია „რუსთავი 2“-ის წამყვანი, მთე კირვლიძე—გაზეთი „ალია“, ია ანთაძე ჟურნალ „არალი“, სოზარ სუბელიანი რადიო „თავისუფლება“, მოსამართლეები, არასამთავრობო ორგანიზაციების წარმომადგენლები და ა.შ.

—სემინარების დასკვნითი ნაწილი როგორც გვითხარი სტრასბურგში გაიმართა.

—დიახ, 12 მაისს საღამოს რომიდან ჩქაროსნული მატარებლით გავმგზავრეთ საფრანგეთში შვეიცარიის გავლით. მეორე დღით შვეიცარიის ქალაქ ბაზელში რამდენიმე საათით შეჩერების შემდეგ ავტობუსით ჩავე-

დით სტრასბურგში და დავბინავდით ევროპის საბჭოს ახალგაზრდულ ცენტრში. 13 მაისს თავისუფალი პროგრამის შემდეგ 14 მაისს დილიდან დაიწყო ორდღიანი სემინარი თემაზე „საქართველო და მისი ურთიერთობები ევროპულ ინსტიტუტებთან“.

სემინარი დაიწყო ევროპის საბჭოს პოლიტიკურ საქმეთა დეპარტამენტის გენერალური დირექტორის კლავს შაუმანის გამოსვლით თემაზე „ევროპის საბჭოს პოლიტიკური როლი ევროპაში უსაფრთხოების განმტკიცების საქმეში“. ევროპარლამენტის წევრმა კატრინ ლალუმერიამ წაიკითხა ლექცია „ევროპა და კავკასია“. ევროპის საბჭოს სტრატეგიული დაგეგმვის დეპარტამენტის დირექტორმა ენალე ლორანმა „საქართველო ევროპაში“ და ა.შ.

ძალიან მნიშვნელოვანი და საინტერესო იყო შეხვედრა ევროპის სასამართლოში ადამიანის უფლებათა ევროპული სასამართლოზე პრეზიდენტთან ლუიზუს ვილდაბერთან. შეხვედრა შედგა ადამიანის უფლებათა დარბაზში. ლექცია თემაზე „საქართველო და ადამიანის უფლებათა ევროპული სასამართლო“. წაიკითხა მინდია უგრეხელიძემ, რომელიც როგორც მოგვხსენებთ არის ევროსასამართლოს მოსამართლე საქართველოდან. უაღრესად საინტერესო იყო ჩვენი დასწრება ორპან თურქის (თურქეთი მოქალაქე, რომელიც უჩივს თურქეთის სახელმწიფოს) სასამართლო პროცესზე.

შესანიშნავი ლექციები წაიკითხეს ჩვენმა თანამემამულე პოლიტიკოსებმა—ქალბატონმა ირინა სარიშვილი—ჭანტურიამ თემაზე „სამოქალაქო საზოგადოების პერსპექტივები საქართველოში“ და დავით ბერძენიშვილმა „საქართველოს ადმინისტრაციულ-ტერიტორიული მოწყობა და ევროპული გამოცდილება“.

სტრასბურგში შეხვედრების დაგვირგვინება იყო შეხვედრა ევროპის საბჭოში გენერალური მდივნის მოადგილესთან პანს ქრისტინ კრიუგერთან (რომელიც გენერალური მდივნის მოვალეობას ასრულებდა იმ მომენტისათვის), რომელმაც საზეიმო ვითარებაში გადმოგვცა სკოლის სრული კურსის გავლის დამადასტურებელი სერთიფიკატები.

საღამოს გაიმართა ოფიციალური ბანკეტი. 17 მაისს, დილით გავმგზავრეთ გერმანიაში ქალაქ მაინის ფრანკფურტში, საიდანაც ავია რეისით დავბრუნდით საქართველოს დედაქალაქში.

—თქვენი ნაამბობიდან რჩება შთაბეჭდილება, რომ თავისუფალი დრო საერთოდ არ გქონდათ. და მაინც არაოფიციალური ნაწილის შე-

სახებ ორიოდ სიტყვა.

—დიახ, არაოფიციალური ასე ვთქვათ საექსკურსიო ნაწილისათვის დრო გაცილებით ცოტა იყო, მაგრამ მაინც მოვახერხეთ გვეჩხა იმ ქალაქების ძირითადი ღირსშესანიშნაობანი, სადაც ვიყავით. განსაკუთრებით ძლიერი შთაბეჭდილება მოახდინა რომმა და ჩემთვის ნათელი გახდა „თუ რატომ მიდის ყველა გზა რომში“.

ათი, თხუთმეტი, ოცი და მეტი საუკუნის წინანდელი საეკლესიო ცივილიზაციის, სახელმწიფოებრივი მშენებლობის, სასულიერო ცხოვრების ადრექრისტიანული ხანის გრანდიოზული ძეგლები, იმპერატორთა ფორუმები და წმინდანთა ტაძრები, კოლიზეუმი, კაპიტოლიუმი, სანტანელოს ციხესიმაგრე, დიდი ცირკის არენა, მოედნები, მონუმენტები, ფანტაზები, ხილები...

ვატიკანი—წმიდა პეტრეს ტაძარი, კოლოსალური ნაგებობა, ერთ-ერთი ყველაზე დიდი ბაზილიკა სამყაროში არსებულ ტაძართა შორის, არქიტექტურული, მხატვრული ხელოვნების შედევრები და უწმინდესი რელიგიური რეზიდენცია. ჯან ლორენცო ბერნინის ფანტაზები, მოედნის გენიალური კოლონადა, მიქლანჯელოს განთქმული მარმარილოს კომპოზიცია და წმიდა პეტრეს ბრინჯაოს ქანდაკება...

ვატიკანის მუზეუმი—ადრეული ეპოქის და სტილის ქანდაკებთა ნიმუშების კოლექცია—ანტიკური ხანის ხელოვნების აღმაფრთოვანებელი ქმნილებები.

შეუძლებელია აუღელვებლად ნახო ყოველივე ეს. ჩვეულებრივი მოკვდავისათვის რეალობა ეგება და ერწყება რაღაც ზებუნებრივს, ზეციურს და ლოცვა იღვრება ადამიანის სულიდან. ალბათ, აქ აღსრულებდა ყოველი მორწმუნე ქრისტიანის მისტიკური ოცნება!!!

ქალაქი სტრასბურგი—ევროპის დედაქალაქი თანამედროვე ევროპული წყარო, სუფთა ქალაქია, სადაც ერთ კვარტალში განლაგებულია ევროკავშირის, ევროსაბჭოს, ევროსამართლოს და სხვა საერთაშორისო ორგანიზაციების რეზიდენციები.

14 მაისს თამარ მეფის დღეს მოვინახულეთ წმიდა ქეთევან წამებულის ტაძარი და დავესწარი საღვთისწაულო წირვას, სადაც ჩვენთან ერთად მრავალი ჩვენი თანამემამულე სტრასბურგელი იმყოფებოდა.

არ ვიცი რამდენად შესაძლებელია ერთ საგაზეთო ინტერვიუში იმ შთაბეჭდილებების და განცდების გადმოცემა, რაც ერთი კვირის მანძილზე მქონდა. ყველა მკითხველს მინდა ვუსურვო ანალოგიური სიკეთე.

გმადლობთ. მომავალ შეხვედრამდე

„სამშობლო იყო, სამშობლოა ისევ მოავარი...“

საქართველოს დამოუკიდებლობის დღეს მიეძღვნა.

საინტერესო და მრავალფეროვანი იყო 26 მაისისადმი მიძღვნილი ღონისძიება, რომელიც ცაგერის ახალგაზრდულ საქმეთა დეპარტამენტმა წარმოადგინა (ბამილა ჭაბუკიანი, ნუგეშა კობალიანი).

მთელი თვით ნაწვიმარმა ცამსწორედ იმ დღით გამოიღარა და მზემაც გამოანათა. ღონისძიების ადგილი ცაგერის ბულვარი და მთავარი მოედანი გახლდათ და რა თქმა უნდა ყველაფერი ამინდზე იყო დამოკიდებული...

ღონისძიება მასობრივი გარბენით დაიწყო (ღვინის ქარხანა—სარაიონო კულტურის სახლი), სადაც პირველი ადგილი დაიკავა ლასურიაშის სკოლის მოსწავლემ კობა მუშკუდიანმა, მეორე და მესამე ადგილები გაიყვეს ცაგერის სკოლის მოსწავლეებმა ზაზა ხეცურიანმა და ზაზა ნემსწვერიძემ.

სულ ცოტა ხანში მოედანი ერთ დიდ ტილოს მოგვაგონებდა, სადაც ყველა მონაწილე ბავშვი თავისი სურვილის მიხედვით ხატავდა მის წარმოდგენაში არსებულ აბსტრაქტულ თუ ხელშესახებ საგნებს. აქაც გამოვლინდნენ გამარჯვებულები: ჯოკია სალინაძე (ჭვ. ცაგერი), ლანა ბერიძე (ზუბი), ირაკლი ბახსოლიანი (ცაგერი).

კონკურსი გრძელდებოდა და ჩვენც, სწორედ, იმ ადგილისაკენ გადავინაცვლეთ, სადაც ყველა ბავშვის ნამდვილი ზეიმი იდგა. თვალთა ნანახმა ყოველგვარ მოლოდინს გადააჭარბა: ბევრი ბავშვი და კაქტუსები სილამაზეში ერთმანეთს ეცილებოდნენ და თავს იწონებდნენ მორცხვი პატარაძლებით. ნათქვამია, მჯობნის მჯობნი არ დაიღუპაო, მაგრამ აქაც გამოიკვეთა ყვავილების სამი საპრიზო ადგილი, სადაც ადგილები ასე განაწილდა: ელენე სალინაძე, მარია კობალიანი, ნინო სვანიძე.

ღონისძიება უფრო გაახალისეს ქალაქის საბავშვო ბაღების აღსაზრდელებმა, რომლებმაც ლაღო ასათიანის ძეგლთან ლექსები წარმოთქვეს, მოედანზე კი ცეკვები წარმოადგინეს.

აქა-იქ მაყურებლებსა და მონაწილეებს შორის თვალს მოკრავდით ბოშა ქალის კაბაში გამოწყობილი „მკითხვას“—სალომე ბერუხაშვილს, რომელიც წამსვე მოგაგებდათ თავის პაწია კალათს „სამკითხაოდ“. ფოსტალიონს—ნანო ახვლედიანს და ნიშნულებისამებრ მიჰქონდა წერილები ადრესატამდე.

პარალელურად მიმდინარეობდა სხვადასხვა სპორტული შეჯიბრებები: მკლავჭიდიში, აბსოლუტური პირველობა ლაშა ჩაფრავემ მოიპოვა. ჭადრაკში გაიმარჯვეს ქეთინო და დათო სალინაძეებმა. სიმძიმეების აწევაში პირველობა არაგვის დაუთმო შუქრი ჩარკვიანმა, ხოლო მეორე ადგილზე გავიდა ლევან მუშკუდიანი. ბაგირის გადაწევაში კი სკოლებს შორის გაიმარჯვა ცაგერის საშუალო სკოლამ.

ახალგაზრდულ საქმეთა დეპარტამენტის წარმომადგენელმა ნუგეშა კობალიანმა ბოლოს გვაუწყა კონკურსის შედეგები თემაზე: „რანი ვიყავით და რანი ვართ...“ ყველაზე საინტერესო თავისი მხატვრულობითა და ორიგინალობით აღპანის სკოლის მეშვიდე კლასის მოსწავლის საბა ფრუიძის ნამუშევარი აღმოჩნდა, რომელმაც პირველი ადგილი დაიკავა და გადაეცა ფულადი პრემია (20 ლარი). მეორე ადგილი ერგო ცაგერის სკოლის მეათე კლასის მოსწავლეს გვანცა გუგავს (15 ლარი) მესამე ადგილზე გავიდა ზუბის სკოლის მეათე კლასის მოსწავლე ფიქრია ნემსწვერიძე (10 ლარი). ჟიურის სიმპათიის პრიზი გადაეცა აღპანის სკოლის მერვე კლასელ მოსწავლეს მედეა მანაგაძეს.

მსურველებმა ღონისძიებისაგან განცდილი ემოციები შთაბეჭდილებათა წიგნის ფურცლებზე ასახეს.

აღსანიშნავია, რომ ღონისძიებას სპონსორობას უწევდა ცაგერის საფოსტო ბანკი (ხელმძღვანელი ნატო სილაგაძე) და სატყო მეურნეობა (დირექტორი მამუკა ახვლედიანი).

დასასრულს ღონისძიების ორგანიზატორებმა თამილა ჭაბუკიანმა და ნუგეშა კობალიანმა სხვა-

დასხვა ნომინაციებში გამარჯვებულებს და აგრეთვე საბავშვო ბაღის აღსაზრდელებს სამახსოვრო საჩუქრები გადასცეს.



საქართველოს დამოუკიდებლობის დღისადმი მიძღვნილი ღონისძიება ამით არ დამთავრებულა, ემოციებით დატვირთულებმა ცაგერის საშუალოს სკოლის შენობაში გადავინაცვლეთ, იქ არანაკლები სასიამოვნო განწყობა სუფევდა. სკოლის დირექტორი ქალბატონი ნუნუ ჩაკვეტაძე და ზეიმის ორგანიზატორები ღიმილიანი სახეებით ხვდებოდნენ მოწვეულ სტუმრებს. ცაგერის რაიონის გამგებელს ბატონ ონერ ნემსწვერიძეს, მეუღლე დავითს, ქალაქის მერს თამაზ ქარსელაძეს, საქართველოს პარლამენტის დეპუტატის ბიუროს თავმჯდომარეს შალვა ცვარიანს, განათლების განყოფილების გამგეს გულივერ ბრეგვაძეს, სოციალურ საკითხთა განყოფილების გამგეს ბონდო კობალიანს.

ღონისძიებაში მონაწილე მოსწავლეებმა ჩვენს თვალწინ ქრონოლოგიურად წარმოადგინეს წმინდა მეფეთა ცხოვრება, მათი „საგმირო საქმენი“, რომლებსაც მხოლოდ და მხოლოდ ერთადერთი რამ მიაჩნდათ „სახატედ და საფიცრად“—სამშობლო.

ზეიმმა დიდი სიამოვნება მიანიჭა სკოლაში მობრძანებულ სტუმრებს, გასაკვირი აქ არაფერია, მოსწავლეების მომზადებასა და წარმართვაში ხომ მთელ სულსა და გულს აქსოვდა ჩვენი ძვირფასი და გამოცდილი პედაგოგი, ქალბატონი ნინო ჩაკვეტაძე.

შევსცქეროდით ბავშვების გაციკროვნებულ სახეებს და უნებლიედ ერთი ლექსი გამახსენდა:

**მამაცი რომ ვარ
წინაპრების მომდევს ჯავარი,
სამშობლო იყო
სამშობლოა ისევ მთავარი...**

მკა უპირილიანი.

გზა—ხავადი დაგულოცოდა



კიდეც ერთხელ იზეიმა ცაგერის №1 საბავშვო ბაღმა, ამჯერად თავისი სამოცდამეათე გამოშვება.

პატარების ჟრიაშულით იყო ავსებული ირგვლით ყოველივე პირველ ივნისს, აფუსფუსებული პედაგოგ-აღმზრდელები კი მათ მშვენიერი კონცერტისათვის ამზადდნენ.

...და სანახაობაც დაიწყო. ერთმანეთს ცვლიდნენ ლამაზი გოგო-ბიჭები, თავიანთი ცეკვებითა და სიმღერებით იპყრობდნენ ჩვენს გულს.

ქართულ ცეკვებთან ერთად პატარებმა გედების ცეკვაც წარმოადგინეს, რამაც ალაფროვანა მაყურებელი.

ქართულ და რუსულ ენაზე შესრულებულ სიმღერებს თვლა აღარ ჰქონდა, რასაც რუსულად მასწავლებლის მშვენიერი აკომპანიმენტი ალაამზებდა.

ჯგუფის პედაგოგი—ქალბატონი ციცო სვანიძე ბავშვებს თავისი მზრუნველი მზერით ამხეუბდა. მასთან ერთად პატარების მომზადებაში მონაწილეობა მიიღეს მარინა ხმელიძემ, ფიზკულტურის მასწავლებელმა ბელა ნემსაძემ, ქორეოგრაფმა შორენა სოხაძემ, მეთოდისტმა ნათელა კობალიანმა, აღმზრდელმა ციცო მეშველიანმა.

ყველა ბავშვი საოცრად მუსიკალური ჩანდა, რაც განსაკუთრებით მუსიკის მასწავლებლის, ქალბატონ რუსუდან კობალიანის დიდი დამსახურებაა, რომელსაც რუსუ-

ლი სიმღერების დახვეწაში ნონა ყაველაშვილი უდგა გვერდით.

სწორედ ესენი გახლავთ ის აღამიანები, რომლებიც აყალიბებენ პატარების გუნებას, შინაგან კულტურას. ისინი ხომ მისაბამი უნდა იყვნენ მათთვის. პატარებისათვის უცხოა ყოველგვარი ბოროტება—კეთილი ფერიებით სავსეა სამყარო დღეს.

ზეიმის ბოლოს ბავშვებს სკოლისაკენ მიმავალი გზა ბაღის გამგემ, ქალბატონმა ცარო მეშველიანმა დაულოცა და ოცივე აღზრდილი დაასაჩუქრა. ზეიმის ორგანიზებასა და წარმართვაში ხომ ქალბატონ ცაროს წვლილი ძალიან დიდია.

მან აღნიშნა, რომ ამ საჩუქრებისათვის თანხა ქალაქის მერიამ გამოყო. მოწვეულ სტუმრებს შორის გახლდნენ რაიონის გამგებელი ბატონი ონერ ნემსწვერიძე, ქალაქის მერი ბატონი თამაზ ქარსელაძე, განათლების განყოფილების გამგე—ბატონი გულივერ ბრეგვაძე, პოლიციის უფროსი—ბატონი მირიან მეშველიანი, წარმომადგენლები რაიონის გაგეობიდან და განათლების განყოფილებიდან.

ჩვენც ვულოცავთ პატარებს ამ დღეს, პედაგოგ-აღმზრდელებს კი მრავალი თაობა აღეზარდოთ და მათი სუფთა სულები კიდეც უფრო გაელამაზებინოთ.

თამარ ღავითულიანი.



პატარების ზეიმი საბავშვო ბაღში 5 ივნისს გაგრძელდა, ამჯერად №2 საბავშვო ბაღის აღზრდილები ზეიმობდნენ. იქ შესულებს პირველად თვალი მოგვჭრა პატარების ნაირფერად მოელვარე კაბებმა. მათი მხიარული განწყობილება აღმზრდელ პედაგოგებს მაგული სილაგაძეს ნონა ჩაკვეტაძეს და მშობლებსაც გადასდებოდათ.

ცოტა ხანში კი ზეიმიც დაიწყო...

ერთმანეთს ცვლიდა სიმღერა თუ მათი პაწია გულებიდან ანთებული ლექსები: სიცოცხლეზე, სიყვარულზე, სამშობლოზე.

გოგონებმა საოცარი სინარჩარით წარმოგვიდგინეს ცეკვები „სამაია“ და „განდაგანა“. არც ბიჭები დარჩნენ მათ ვალში

და დარბაზში ცეკვა „შალახო“ გააჩაღეს. მუსიკალურ გაფორმებას ქალბატონი ნათელა ჭომეთიანი უზრუნველყოფდა.

პაწიებმა ჩვენს თვალწინ გააცოცხლეს ძველი თბილისი. ყარაჩოლელები თავიანთი „მუხამბაზითა/ და განიერი შარვლებით, კენიები კი განუმორებელი ჩიხტი-კოპებით.

ზეიმის სიხარულს იზიარებდნენ გამგეობის, საკრებულოს, განათლების წარმომადგენლები.

დასასრულს საბავშვო ბაღის გამგემ ქალბატონმა ციცო მუშკუდიანმა ცხოვრების გზა დაულოცა მათგან მიმავალ პატარებს და სამახსოვრო საჩუქრები გადასცა.

მკა უპირილიანი.

„გიხარბენ ძევსემოსილო, თიქო მოწამეო გიორგი“ (ხეამლობა)

(დასასრული)

ურობდნენ მთავარეპისკოპოსი ელისე, პრეზიდენტის რწმუნებული მხარეში ირაკლი ფრუიძე, რწმუნებულის მოადგილე დავით დარაბელოძე. ცაგერში, ჩვენი სიამაყის—ლადო ასათიანის სახელობის ბაღში სტუმარ-მასპინძელი ერთმანეთს ეგებებოდნენ მუსიკალური თუ მხატვრული კომპოზიციების შესრულებაში. დღესასწაულზე და საერთოდ ხეამლის—„მეფეთა საგანძურთ სანახზე“ საინტერესოდ ისაუბრა მხარეთმცოდნეობის მუზეუმის დირექტორმა, ბატონმა ომარ ჭაბუკიანმა.



„მეფეთ“

საგანძურთ სანახზე

შემდეგ კი ჯგუფ-ჯგუფად გავუდგენით იმ გზას, რომელიც ტაძართან მიგვიყვანდა. დამეთანხმებით, ოდითგან ცნობილი „მტრისაგან შეუვალი“ ხეამლის მთაზე ასვლა არც ისე იოლია, მაგრამ ღვთისშეწვევით ჩვენი

ღრმად აქვს ფეხები გადგმული რწმენას, სარწმუნოებას, „ღვთის-მოშიშობას“, სიყვარულს. სწორედ ამ ფაქტორებმა განაპირობა, დაუღალავად, „წინაპართ მსგავსად“ ზღვის დონიდან 2002 მეტრის სიმაღლეზე გარკვეული მანძილი (და ეს არც ისე ცოტა იყო) ფეხით გაგვევლო. ჩვენი ჯგუფი ახალგაზრდული საქმეთა დეპარტამენტის თაოსნობითა და ორგანიზებით გავუდგენით გზას. დავით ულუსა და დავით ნარინის მიერ დალაშქრულ გზებს მივუყვებოდით, რაც სტიმულს გვაძლევდა თითოეულ ჩვენგანს. გზად მომავალნი კი ერთმანეთს ქართულ კლასიკოსთა ლექსებით ვეპაექრებოდით. ჩვენი შემხვედრები კი „ფაფარაყრილ რაშებზე“ ამხედრებული მხედრები იყვნენ, რომელნიც ალიონს ხეამლის მთაზე შეხედნენ. ნაცნობი თუ უცნობი ერთმანეთს გამარჯვებას, ღვთისწყალობას, სიბოროტს და სიყვარულს უსურვებდნენ. საოცარია, ამ ადგილებში წელიწადის

ყველა დროში გეგონება თავი მიუყვები დაუსრულებელ სველი მიწითა და ოქროსფერი ფოთლებით აზელილ აღმართებს, რომელიც გვიანი შემოდგომის სურათს იძლევა.

ხეამლზე 1710 მეტრ სიმაღლეზე მდებარეებს გამოქვაბული, რომელიც „ოროთახიანია“, მარადიული თოვლითა და ყინულის ლოლუებით დამფარებული, ისეთი გრძნობა გეუფლება, თითქმის წელიწადის ამ ლამაზ დროს ენახება, ვერ ტოვებს ირგვლივ გამეფებულ მშვენიერებას.

ბუნების ფერისცვალება უცებ ხდება თვალშისაცემი. ისე ანაზღეულად ევლინება განახლება სამყაროს, ყვავილებში ჩაფლული, დამთრობელი სურნელით გარემოცული, შეუმჩნევლად იპყრობს იქაურობას ზაფხული... და კულმინაცია—ხეამლის წმიდა გიორგის სახელობის ეკლესია... ირგვლივ კი „დაბინდულ ქლიავისფერი მთები“... წინათ ამ ადგილზე მონასტერი ყოფილა, სადაც ბერები

ცხოვრობდნენ. 1882 წელს მღვდელი იოანე თავგაქმ წერდა: „ამ თვალწარმტაცი კლდის თავზე არის ნანგრევი ეკლესიისა, გალავანი ეკლესიისა არის ქვის, ამ გალავანის ირგვლის არიან ქვის სახლები. ზოგი, მათგანი თითქმის ახლაც ვარგა კაცი დასადგომად“. ძველი ეკლესიის საფუძველი უცვლელად არის შემონახული... სოფ. ოყურეშის მოსახლეობას იქ პატარა ეკლესია აუშენებია, მაგრამ აღნიშნული ტაძარი საქიროებს აღდგენით სამუშაოებს, სახურავი შეკეთებას. მინდა აქვე აღვნიშნო, რომ „ხეამლის მთის ძირელებმა“—ოყურეშლებმა ტაძარს ხის კარები შესწირეს. გარდა ამისა, იქ დარღვეულია საეკლესიო დოგმატით გათვალისწინებული კანონები. კერძოდ, საკურთხევის, ტრაპეზის ადგილზე შეესალა ვიციტ ყველას არ შეუძლია, განსაკუთრებით კი ეს ქალს ეკრძალება. აქ კი ხშირია შემთხვევა, როცა ამ ზღუდრულს გადააბიჯებენ და სანთელს ან-

თებენ.

ახალგაზრდულ საქმეთა დეპარტამენტის ჯგუფმა მოვილოცეთ ეს სალოცავი, წმიდა გიორგის დაუღლომელი ლოცვაც აღვაღვინეთ, ირგვლივ კი საამო გალობა იღვრებოდა: „გიხაროდენ ძლევა შემოსილო, დიდო მოწამეო გიორგი“.



ვახუშტის გადმოცემით, ხეამლის კლდეში „არის ქვაბი გამოკვეთილი. მტრისაგან შეუვალი მეფეთ საგანძურთ სანახი“. იქ ასული დავრწმუნდით, რომ ხეამლის მთაზე მართლაც დიდი საგანძური ინახება, რომელსაც ვერავითარი ოქრო-ვერცხლი შეეფრება. ეს საგანძური ჩვენი ურყევი რწმენაა.—ჩვენი სიყვარულია.

P.S. მინდა შეგახსენოთ, რომ პეტრე-პავლობის მარხვა იწყება 11 ივნისიდან და გასტანს 12 ივლისამდე.

პაპ ბენდელიანი

მეგობრის ხსოვნას

ორი წლის წინ, 1999 წლის 13 ივნისს, სოფელი მახაშს, მშობლიურ მიწას მიაბარეს ღირსეული მამულიშვილი. გამოჩენილი ქართველი მეცნიერი ბენამინ გიორგის ძე სილაგაძე. ამ უაღრესად მოკრძალებულმა განათლებულმა პიროვნებამ სახელოვანი გზა განელო. დიდი სამამულო ომის დაწყების პირველი დღეებიდანვე ფაშისტურ ურდოებს ებრძოდა. ბერლინის შტურმით აღებაში მონაწილეობდა. 1946 წელს, 20 საბრძოლო ორდენით და მედლით მკერდდამშვენებული თბილისის სახელმწიფო უნივერსიტეტის აღმოსავლეთმცოდნეობის ფაკულტეტზე ჩაერთო. პირველი კურსიდანვე ხუთოსან-

მა, უნივერსიტეტი 1951 წელს წარჩინებით დაამთავრა და დატოვებული იქნა ახლო აღმოსავლეთის ისტორიის კათედრაზე. 1962 წლიდან ბენიამინმა მუშაობა გააგრძელა ივანე ჯავახიშვილის სახელობის ისტორიისა და ეთნოგრაფიის ინსტიტუტის წყაროთმცოდნეობის განყოფილებაში წამყვან მეცნიერ თანამშრომლად. 1967 წელს დაიცვა საკანდიდატო და 1973 წელს სადოქტორო დისერტაცია.

ბატონი ბენიამინი წლების განმავლობაში გულმოდგინედ იკვლევდა ქართველი მამულეების, ქართველი ქულებების ისტორიას. ირანის, ერაყის, ეგვიპტის და ახლო აღმოსავლეთის სხვა ქვეყნების სამეცნიერო ცენტრებში,

მუზეუმებში, წიგნთსაცავებში ეძებდა ბედუელთმართობისაგან სამშობლოსაგან მოწყვეტილ ქართველი ყაწვილების ტრაგიკულ გზებს.

ხანგრძლივი, დაუღლელობის შედეგად ბენიამინმა მრავალი საინტერესო ნაშრომი გამოაქვეყნა. მათ შორის განსაკუთრებით აღსანიშნავია 1967 წელს გამოქვეყნებული „დაუღდეშა“. „ქართველი მამულეები ეგვიპტის დამოუკიდებლობისათვის ბრძოლაში“, რომელიც 1984 წელს გამოიცა. არაბული ენის ზედმოწვევით ცოდნა დაეხმარა მას ეთარგმნა და კომენტირება გაეწია „არაბული წყაროებისათვის“, რომელიც ჩვენი სამშობლოს ისტორიის შესწავლისათვის ფას-

დაუღებელ განძს წარმოადგენს. ქართველების და არაბების ურთიერთობათა მრავალწლიანი კვლევის შედეგად, 1997 წელს გამოიცა მისი ფუნდამენტური გამოკვლევა „არაბობა საქართველოში“.

მეცნიერების სფეროში მიღწეული წარმატებებისათვის (ის საქართველოში ერთ-ერთი უნიჭიერესი არაბისტი იყო) ბატონი ბენიამინი. დაჯილდოებული იყო ივანე ჯავახიშვილის მედლით.

საქართველოს მეცნიერებათა აკადემიის ივანე ჯავახიშვილის სახელობის ისტორიისა და ეთნოგრაფიის ინსტიტუტის თანამშრომლები ბენიამინ სილაგაძისადმი მიძღვნილ ნეკროლოგში წერდნენ: „ბენიამინ სილაგაძე მუდამ

დარჩება ჩვენს მეხსიერებაში, როგორც დიდი მეცნიერი. პრინციპული პატიოსანი, თბილი და გულისხმიერი მოქალაქე“.

სიცოცხლის ბოლო წლებში სულ ნაწილობრივ „მთელი ახლო აღმოსავლეთი შემოვიარე. ლეჩხუმში იშვიათად მოვდიოდი, ჩემს მშობლიურ მხარეში ბევრმა ჩემი სახელი არც კი იცოდა. სიკვდილის შემდეგ სამუდამო ადგილი ჩემს მშობლიურ მხარეში, ჩემი მამის გვერდით უნდა დავიმკვიდროო“. დანაბარები შეუსრულეს.

მისი ახლობლების, მეგობრების გულში მუდამ ცოცხალი იქნება ბენიამინ სილაგაძის სახელი

შალვა ცაგარიანი

27. 05. 2001წ.

ლუჩხუმის სახელოვანი შვილები

ფოსტა

კეთილშობილად აღამიანებმა ბაბუბარჩინებს

დიაბეტიით დაავადებული მოხუცი ბაზარში აუცილებელი პროდუქტების შესაძენად გახლდათ. უცებ თავბრუ დამეხვია, ცუდად გავხდი და გონება დავკარგე.

კეთილი აღამიანებს რა გამოლევს. ქალბატონ ნონა ბენდელიანს, ვის კომერციულთანაც დავცემულვარ, ხმაური აუტეხავს, საშველად გერთონი კალანდაძე მოსულა და მანქანით შინ მიუყვანია. მეზობლებიც შეყრილან ჩემს გადასარჩენად და სასწრაფოდ საავადმყოფოში გადამიყვანეს.

ფეხზე დადგა რაისაგადმყოფოს მთელი მედპერსონალი ექიმებმა ნათელა, მანანა ხეცურიანებმა, ლია ჩოქოვანმა, ექთნებმა, ჩვენი კუთხის რძალმა თინა ფორჩხიძემ, ყველამ თუ შეიძლება ითქვას, სიკვდილის პირას მისული მოხუცი მომაბრუნეს.

მადლობა ყველას. ღმერთმა ხელი მოუშარათ.

სამსონ ახვლედიანი,
პენსიონერი, მედაგოგი
ქალაქი ცაგერი

გილოცავი

მგავინარ ჩაღაბას!

ჩვენო უზერებლო ქალბატონო!
გილოცავთ 60 წლის იუბილეს. გისურვებთ ყოველივე ლამაზს.
გაზეთი „ახალი ღერსუმი“

თამილა ახვლედიანი!

გილოცავთ დაბადების დღეს. დღევრძელობას, ჯანმრთელობას, უღევსიხარულის გისურვებთ შენს ლამაზ ოჯახთან ერთად.

ეკა, ხათუნა, დარეჯან ბენდელიანები

თამილა ახვლედიანი!

გილოცავთ დაბადების დღეს. იყავი მუდამ ასეთი ლამაზი.

თემურ და ონისე ჩაკვეტაძეები

რედაქცია პასუხს არ აბებს შამოსულ წერილებზე

რედაქტორი თამარ დავითიშვილი	პასუხისმგებელი მდივანი მეხმარებელი ანელია	სარედაქციო კოლეგია: პაპ ყვინიშვილი, მარიამ სპანოძე, პაპ ბენდელიანი.	მისამართი: ცაგერი, რუსთაველის №47. ტელ: 22-86	გაზეთი აიწყო, დაკაბადონდა და ოფსეტური წესით დაიბეჭდა ქუთაისის გ. ტაბიძის სახელი ს/ს „სტამბაში“ ქ. ქუთაისი, ი. ქავეჭავაძის ტელ: 7-07-80, 7-34-00
-----------------------------------	--	--	---	--